

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

AKTIVITI SEKTOR PERDAGANGAN PENGEDARAN DI KAWASAN-KAWASAN PERINTAH KAWALAN PERGERAKAN (PKP 3.0) DIBENARKAN BEROPERASI SEPERTI BIASA MENGIKUT PROSEDUR OPERASI STANDARD (SOP) YANG DITETAPKAN

PUTRAJAYA, 6 MEI 2021 – Kerajaan telah mengumumkan pelaksanaan Perintah Kawalan Pergerakan (PKP 3.0) di kawasan-kawasan tertentu di Selangor, Wilayah Persekutuan Kuala Lumpur, Johor, Terengganu, Kelantan dan Perak bermula 6 Mei 2021 dan 7 Mei 2021. Pelaksanaan PKP 3.0 adalah merupakan salah satu usaha kerajaan bagi membendung penularan jangkitan COVID-19 dan pada masa yang sama memastikan pertumbuhan ekonomi dalam negara dapat terus berkembang.

Susulan pengumuman tersebut, Kementerian Perdagangan Dalam Negeri dan Hal Ehwal Pengguna (KPDNHEP) ingin memaklumkan aktiviti sektor perdagangan pengedaran seperti peruncitan, pemborongan dan pengedaran boleh beroperasi seperti biasa sepanjang tempoh PKP 3.0 mengikut waktu operasi yang ditetapkan dibawah Prosedur Pengoperasian Standard (SOP) Am yang dikeluarkan oleh Majlis Keselamatan Negara (MKN). Senarai aktiviti sektor perdagangan pengedaran yang berkaitan boleh didapati melalui pautan berikut di portal KPDNHEP: <https://www.kpdnhep.gov.my/ms/pengumuman/957-senarai-aktiviti-sektor-perdagangan-pengedaran-yang-dibenarkan-beroperasi-di-bawah-perintah-kawalan-pergerakan-pkp.html>

Pada masa yang sama, KPDNHEP sangat mengambil berat tentang pematuhan SOP Sektor Perdagangan Pengedaran dalam tempoh PKP yang sedia ada. SOP

Sektor Perdagangan Pengedaran dalam tempoh PKP boleh didapati dilaman sesawang Majlis Keselamatan Negara (MKN) di <https://www.mkn.gov.my>.

Justeru, Kementerian menyeru kepada semua pihak terutamanya pemain industri sektor perdagangan pengedaran dan semua pengguna untuk sentiasa memastikan SOP PKP dipatuhi sepenuhnya. Kegagalan untuk memastikan SOP PKP dipatuhi boleh diambil tindakan seperti amaran, kompaun serta penutupan premis perniagaan.

Bahagian Penguatkuasa KPDNHEP yang telah diberikan kuasa di bawah Akta 342 akan terus melaksanakan pemantauan dan penguatkuasaan. Kementerian berharap tahap pematuhan yang tinggi seperti semasa PKP 2.0 dapat dikekalkan di mana dari 528,581 premis yang diperiksa sehingga 5 Mei 2021; 520,028 premis atau 98.36% patuh, 597 premis atau 0.11% diberi amaran dan hanya 178 premis atau 0.03% sahaja yang dikenakan kompaun..

Sekiranya, pematuhan ini masih gagal mencapai tahap yang memuaskan, Kementerian tidak teragak-agak untuk mengambil tindakan drastik termasuklah mencadangkan kepada Majlis Keselamatan Negara (MKN) untuk menutup terus operasi industri tersebut sewaktu pelaksanaan tempoh PKP.

Untuk sebarang pertanyaan lanjut, pihak pemain industri dan orang ramai boleh menghubungi **Sekretariat Perdagangan Pengedaran dan Industri Perkhidmatan (SPIP)** di talian hotline 03- 8882 5881/ 5905 atau melalui emel kepada spip@kpdnhep.gov.my

Kementerian Perdagangan Dalam Negeri dan Hal Ehwal pengguna
6 Mei 2021

###

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampai sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

